

«ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱՐԿԱՅԻՆ ՕՐԵՆՍԳՐքՈՒՄ ՓՈՓՈ-
ԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ» ՀԱՅԱՍՏԱՆԻ
ՀԱՆՐԱՊԵՏՈՒԹՅԱՆ ՕՐԵՆՔՈՒՄ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ»
ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՕՐԵՆՔԻ ՆԱԽԱԳԾԻ (Պ-320-16.05.2018-ՏՀ-
011/0)ՎԵՐԱԲԵՐՅԱԼ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ
ԱՌԱՋԱՐԿՈՒԹՅՈՒՆԸ

«Հայաստանի Հանրապետության հարկային օրենսգրքում փոփոխություններ և
լրացումներ կատարելու մասին» Հայաստանի Հանրապետության օրենքում փոփոխություններ
կատարելու մասին» Հայաստանի Հանրապետության օրենքի նախագծով առաջարկվում է ուժը
կորցրած ճանաչել 2017 թվականի դեկտեմբերի 21-ի «Հայաստանի Հանրապետության
հարկային օրենսգրքում փոփոխություններ և լրացումներ կատարելու մասին» ՀՕ-266-Ն
օրենքով Հայաստանի Հանրապետության հարկային օրենսգրքում կատարված այն փոփոխու-
թյունները և լրացումները, որոնք վերաբերում են 2018 թվականի հունիսի 1-ից և 2019 թվականի
հունվարի 1-ից ուժի մեջ մտնող՝ հանրային սննդի հարկման համակարգի փոփոխություններին:
Մասնավորապես, առաջարկվում է պահպանել հանրային սննդի՝ արտոնագրային հարկով
հարկման ներկայում գործող համակարգը և հանրային սննդի գործունությունը չտեղափոխել
շրջանառության հարկով կամ ավելացված արժեքի հարկով հարկման համակարգի փոփոխությունների
համար բարենպաստ ձեռնարկատիրական միջավայր, մինչդեռ շրջանառության հարկի
համակարգ տեղափոխելու արդյունքում էապես ավելանալու է հանրային սննդի ոլորտում
գործունեություն իրականացնող տնտեսվարող սուրյեկտների հարկային բեռը:

Հայաստանի Հանրապետության կառավարությունն առաջարկում է ներկայացված նա-
խագծով քննարկվող գործող օրենքի հոդվածները թողնել անփոփոխ՝ հաշվի առնելով ներկա-
յացված օրենքի նախագծի վերաբերյալ ստորև ներկայացված հանգամանքները:

Հանրային սննդի ոլորտում իրականացվող գործունեության հարկումն արտոնագրային հարկով հարկման համակարգից հարկման ընդհանուր (շրջանառության հարկով կամ ԱԱՀ-ով) համակարգ տեղափոխելու մոտեցումը բխել է հարկման այլընտրանքային համակարգերի ընդգրկման շրջանակը հնարավորինս կրճատելու ընդհանուր քաղաքականությունից: Այդ նպատակով, դեռևս 2013 թվականից սահմանվեց, որ 600 քառ. մետր սպասարկման սրահի մակերեսը գերազանցող հանրային սննդի օբյեկտների հարկումն իրականացվում է հարկման ընդհանուր համակարգում, իսկ 2016 թվականի հոկտեմբերի 4-ին ընդունված՝ Հայաստանի Հանրապետության հարկային օրենսգրքով ամրագրվեց, որ 2018 թվականի հունվարի 1-ից 100 քառ. մետր սպասարկման սրահի մակերեսը գերազանցող հանրային սննդի օբյեկտների գործունեությունը հարկվում է հարկման ընդհանուր համակարգում:

Հայաստանի Հանրապետության հարկային օրենսգրքի ընդունումից հետո, սակայն, բազմաթիվ հարկ վճարողների կողմից ներկայացված բողոքների հիման վրա 2017 թվականի ընթացքում իրականացվեցին բազմաթիվ քննարկումներ և հաշվարկներ՝ հանրային սննդի ոլորտի հարկման համակարգի հնարավոր վերանայումների տարրերակները բացահայտելու համար:

Ոլորտում գործունեություն իրականացնող տնտեսվարող սուբյեկտների կողմից հարկային մարմին ներկայացված հաշվետվությունների հիման վրա կատարված ուսումնահրությունները ցոյց տվեցին հետևյալ խնդիրները՝

1) հանրային սննդի ոլորտը գործում է շահութաբերության բավական քարձոր մակարդակով, հետևաբար սպասարկման սրահի մակերեսի մեծության հիման վրա այդ ոլորտում գործունեություն իրականացնող տնտեսվարող սուբյեկտների հարկային պարտավորությունների հաշվարկման մոտեցումն արդարացված հարկման մոտեցում համարվել չի կարող՝ հաշվի առնելով ոչ միայն պետական բյուջեի եկամուտների անհրաժեշտ մակարդակի ապահովման անհրաժեշտությունը, այլ նաև այն, որ այդ պայմաններում սպասարկման սրահի միևնույն մա-

կերես ոնեցող, սակայն իրացման ծավալների տարբեր մակարդակ ոնեցող տնտեսվարող սուբյեկտները կրում են միևնույն հարկային քեռը

2) ոլորտի հարկման համակարգի առանձնահատկությունից ենելով՝ տնտեսվարող սուբյեկտները շահագրգոված չեն եղել հայտարարագրելու իրենց իրական իրացման շրջանառության և ձեռքբերումների ծավալները, քանի որ վերջիններիս հարկային պարտավորությունները ընդհանրապես կապված չեն եղել նշալ ցուցանիշներից.

3) լինելով մի շարք ապրանքատեսակների վերջնական սպառում կազմակերպող օդակ՝ հանրային սննդի ոլորտում իրացման շրջանառությունների և կատարվող ձեռքբերումների փաստաթղթավորման օրենսդրական պահանջի ըստ էության բացակայությունը հանգեցրել է նրան, որ ոչ միայն հնարավոր չէ ճշգրիտ հաշվառել ոլորտի իրացման շրջանառության ծավալները և կատարվող ձեռքբերումները, այլ նաև այդ ամենի հետևանքով հանրային սննդի ոլորտում գործունեություն իրականացնող տնտեսվարող սուբյեկտների մատակարարների մոտ ստեղծվում են ստվերային շրջանառություններ ձևավորելու ռիսկեր:

Հաշվի առնելով վերոնշյալը՝ որոշում է կայացվել հանրային սննդի ոլորտի հարկման համակարգն ամրողությամբ տեղափոխել իրացման շրջանառությունների և կատարվող ձեռքբերումների հիման վրա հարկային պարտավորությունների հաշվարկման հարկման համակարգ: Ըստ որում, հաշվի առնելով այն հանգամանքը, որ կատարված ուսումնակրությունները և ոլորտում գործունեություն իրականացնող տնտեսվարող սուբյեկտների հետ կազմակերպված քննարկումները ցոյց էին տալիս, որ հանրային սննդի ոլորտի հարկումը հարկման ընդհանուր համակարգ կտրուկ տեղափոխելու և այդ համակարգին հատող՝ Հայաստանի Հանրապետության հարկային օրենսգրքով ամրագրված ընդհանուր կարգավորումները (օրինակ՝ շրջանառության հարկի շեմը գերազանցելու արդյունքում ԱԱՀ վճարող համարվելը) կիրառելու արդյունքում կարող է տեղի ունենալ ոլորտում գործունեություն իրականացնող տնտեսվարող սուբյեկտների հարկային քեռի կտրուկ աճ՝ որոշում է կայացվել ոլորտում գործունեություն

իրականացնող տնտեսվարող սուբյեկտներին հնարավորություն տալ շրջանառության հարկ վճարող համարվել առանց սահմանափակումների: Միաժամանակ, հաշվի առնելով այն հանգամանքը, որ ոլորտում բազմաթիվ են գործունեություն իրականացնող այն հարկ վճարողները, որոնք գործունեություն իրականացնելու համար օգտագործում են ներմուծված ապրանքներ՝ Հայաստանի Հանրապետության հարկային օրենսգրքով նշյալ տնտեսվարող սուբյեկտներին հնարավորություն է տրվել իրենց կողմից ներկայացված հայտարարության հիման վրա համարվելու ԱԱՀ վճարողներ՝ սահմանին վճարված ԱԱՀ-ի գումարների հաշվանցման իրավունքից օգտվելու համար:

Ինչ վերաբերում է հանրային սննդի ոլորտի համար Հայաստանի Հանրապետության հարկային օրենսգրքով սահմանված արտոնագրային հարկի դրույքաչափերին, ապա այդ կապակցությամբ ընդգծենք, որ Հայաստանի Հանրապետության հարկային օրենսգրքով ոլորտի համար նախատեսված շրջանառության հարկի դրույքաչափերը սահմանվել են՝ հաշվի առնելով վերոնշյալ խնդիրների (մասնավորապես կատարվող ձեռքբերումների փաստաթղթավորման խնդրի) կարգավորման անհրաժեշտությունը, ինչպես նաև ոլորտի տնտեսվարող սուբյեկտների հետ կազմակերպված քննարկումների ընթացքում վերջիններիս կողմից ներկայացված տեղեկությունները: Մասնավորապես, մեր կողմից կատարված հաշվարկները ցույց են տվել, որ կախված ոլորտում իրականացվող գործունեության առանձնահատկություններից՝ արտոնագրային հարկի (վճարի) գծով հարկային քետը ոլորտի համար կազմում է միջինում 5-10 տոկոս՝ իրացման շրջանառության նկատմամբ:

Հետևաբար, կարծում ենք, որ շրջանառության հարկի համակարգում հարկային քետի ավելացման՝ նախագծի հիմնավորմամբ ներկայացված պնդումները լրացուցիչ քննարկման և հիմնավորման անհրաժեշտություն ունեն:

Բացի դրանից, նշենք նաև, որ հանրային սննդի ոլորտում գործունեություն իրականացնող տնտեսվարող սուբյեկտների կողմից հարկային մարմին ներկայացված՝ իրացման ծավալ-

ների, կատարվող ձեռքբերումների և վճարված հարկերի վերաբերյալ տեղեկությունների հիման վրա կատարված հաշվարկները նոյնպես ցոյց են տալիս, որ ոլորտում հարկային թեսության վերաբերյալ պնդումները հիմնավորման կարիք ունեն: Մասնավորապես, Երևան քաղաքում և մարզկենտրոններում հանրային սննդի ոլորտում գործունեություն իրականացնող տնտեսվարող սուբյեկտների կողմից ներկայացված վերոնշյալ տեղեկությունների հիման վրա կատարված ուսումնասիրությունները ցոյց են տալիս, որ՝

1) Երևան քաղաքում գործում է հանրային սննդի ոլորտում գործունեություն իրականացնող 1582 տնտեսվարող սուբյեկտ, իսկ մարզկենտրոններում՝ 309: Նշյալ տնտեսվարող սուբյեկտների միջին հարկային թեսություննագրային վճարի (հարկի) պայմաններում Երևան քաղաքում կազմում է 29,5 տոկոս, իսկ մարզկենտրոններում՝ շուրջ 39 տոկոս՝ վերջիններիս կողմից հայտարարագրված իրացման շրջանառությունների նկատմամբ: 2018 թվականի հունիսի 1-ից մինչև 2019 թվականի հունվարի 1-ն ընկած ժամանակահատվածի համար սահմանված շրջանառության հարկի դրույքաչափերի և տնտեսվարող սուբյեկտների կողմից կատարված ձեռքբերումների հիման վրա կատարված հաշվարկները ցոյց են տալիս, որ շրջանառության հարկի միջին թեսության Երևան քաղաքում գործունեություն իրականացնող տնտեսվարող սուբյեկտների համար կազմելու է միջինում 6 տոկոս, իսկ մարզկենտրոններում՝ 5 տոկոս և դա այն դեպքում, երբ կատարված հաշվարկներին չեն մասնակցել տնտեսվարող սուբյեկտների կողմից աշխատողներին ուղղվող աշխատավարձի գումարները, մինչդեռ դրանք օրենսդրության համաձայն շրջանառության հարկի հաշվարկման համար նոյնպես համարվում են ծախսեր:

Ավելին, վերոնշյալ տեղեկությունների հիման վրա կատարված հաշվարկները ցոյց են տալիս, որ՝

ա. Երևան քաղաքում գործունեություն իրականացնող վերոնշյալ 1582 տնտեսվարող սուբյեկտներից 684-ի (43.2%) հարկային թեսության հարկի համակարգում նվազելու է, իսկ 258-ի (16.3%) հարկային թեսության աճելու է: Ըստ որում, հարկային թեսության առավելագույն աճը

կազմում է 7.4 տոլերու, այն էլ ընդամենը մեկ հարկ վճարողի մոտ: Մնացած հարկ վճարողների կողմից ներկայացված տեղեկությունների ոչ ամբողջական լինելու պատճառով վերջիններիս վերաբերյալ ուսումնասիրություններ հնարավոր չեղել իրականացնել,

թ. մարզկենտրոններում գործունեություն իրականացնող վերոնշյալ 309 տնտեսվարող սուբյեկտներից 217-ի (70.2%) հարկային քետը շրջանառության հարկի համակարգում նվազելու է, իսկ 43-ի (13.9%) հարկային քետը աճելու է: Ըստ որում, հարկային քետի առավելագույն աճը կազմում է 6 տոլերու, այն էլ ընդամենը մեկ հարկ վճարողի մոտ: Մնացած հարկ վճարողների կողմից ներկայացված տեղեկությունների ոչ ամբողջական լինելու պատճառով վերջիններիս վերաբերյալ ուսումնասիրություններ հնարավոր չեղել իրականացնել:

Հարկ ենք համարում տեղեկացնել, որ ներկա փուլում կատավարությունն իրականացնում է ընդհանուր հարկային համակարգի վերլուծություն՝ գնահատելու համար հարկային քաղաքականության և վարչարարության համարժեքությունն առկա տնտեսական իրավիճակին: Այս առումով, գտնում ենք, որ հարկային համակարգում հնարավոր փոփոխությունները պետք է կատարվեն համապարփակ ձևով և առանձին ուղղություններով տեղային փոփոխություններ կատարելը նպատակահարմաք չէ:

Հաշվի առնելով վերը՝ օրենսդրական նախաձեռնության հետինակներին առաջարկում ենք ներկա փուլում ձեռնպահ մնալ առաջարկվող օրենսդրական փոփոխության կատարումից և խնդրու առարկա հարցի քննարկմանն անդրադառնալ վերոնշյալ վերլուծություններն ավարտվելուց և արդյունքները ամփոփելուց հետո՝ կատավարության կողմից ընդհանուր հարկային համակարգի վերանայմանն ուղղված առաջարկությունների քննարկման համատեքստում:

Միաժամանակ հայտնում ենք, որ հանրային անդի ոլորտի հարկման համակարգի փոփոխության արդյունքում առաջացել են խմբագրական բնույթի որոշակի օրենսդրական խնդիրներ, որոնք կարգավորելու նպատակով կատավարությունը նախատեսում է մինչև հուլիսի 1-ը Ազգային ժողովի քննարկմանը ներկայացնել համապատասխան օրենսդրական նախագիծ: